

Laporan Kewangan Rakyat merupakan penjenamaan semula bagi Laporan Laksana yang diterbitkan oleh Kementerian Kewangan secara mingguan sejak April 2020.



**YB Tengku Datuk Seri Utama Zafrul Aziz**  
Bersama Penduduk Rumah Iskandar Malaysia yang dimajukan  
oleh Pihak Berkuasa Wilayah Pembangunan Iskandar (IRDA)  
9 Ogos 2022

## YB TENGKU DATUK SERI UTAMA ZAFRUL AZIZ Menteri Kewangan Malaysia

### Ulasan Isu Semasa

### Kenali Penerima Manfaat Minggu Ini

### Pengekalan & Penjanaan Pekerjaan

### Pemeriksaan Perniagaan

### Inisiatif - Inisiatif Lain

LAPORAN  
Ke-106

12 Ogos 2022

## **JELAJAH BAJET 2023 DIMULAKAN DI NEGERI JOHOR**



**YB Tengku Datuk Seri Utama Zafrul Aziz**  
*Bersama YAB Menteri Besar Johor, Datuk Onn Hafiz Ghazi*  
9 Ogos 2022

Negeri Johor Darul Ta'zim merupakan negeri pertama yang menerima kunjungan daripada Kementerian Kewangan bagi program Jelajah Bajet 2023. Matlamat utama program ini adalah bagi mendapatkan pandangan dan cadangan terus daripada rakyat, pemain industri setempat dan Kerajaan Negeri. Maklum balas yang diterima adalah amat penting dalam penyediaan Bajet 2023.

Kerajaan Persekutuan akan terus mempertingkatkan usaha dalam memperbanyakkan penyediaan perumahan mampu milik dan berkualiti, mengambil contoh 1,500 unit pangsapuri mampu sewa yang dimajukan oleh Pihak Berkuasa Wilayah Pembangunan Iskandar (IRDA) bagi golongan yang bekerja di Iskandar Malaysia.

Pihak Kementerian Kewangan juga telah mengunjungi ladang organik, Folo Farms di Ulu Tiram. Menariknya, Folo Farms menggunakan sisa makanan daripada hotel dan restoran di sekitar Johor Bahru bagi menghasilkan baja kompos untuk penanaman sayur organik. Ini selari dengan usaha Kerajaan dalam menjadikan Malaysia sebagai sebuah negara yang menerapkan prinsip kelestarian.

Seterusnya, sesi dialog telah dijalankan bersama pihak berkepentingan dari industri kimia yang merupakan antara sektor keutamaan negara bagi pelaburan dan penajaan pekerjaan, di taman industri Tanjung Langsat. Sesi ini mengetengahkan beberapa cadangan daripada pemain industri tersebut bagi memacu pertumbuhan industri kimia yang akan dipertimbangkan untuk Bajet 2023. Pendekatan yang sama telah diambil semasa jelajah bajet terdahulu, yang mana hampir 50 langkah telah dimasukkan dalam Bajet 2022.

Kerajaan komited untuk terus meningkatkan usaha dalam menarik pelaburan dan memacu pembangunan di negeri Johor. Antara usaha yang akan diberikan penekanan adalah mempertingkatkan infrastruktur pengangkutan melalui projek seperti landasan keretapi Gemas-Johor Bahru yang bakal siap tidak lama lagi serta projek baharu seperti RTS (rapid transit link) ke Singapura.

Jelajah Bajet 2023 akan menyusuli ke semua negeri bagi mengumpulkan cadangan daripada segenap lapisan masyarakat.

# KKA BAJET 2023: KELESTARIAN DEMI MASA HADAPAN

Lanjutan daripada penerbitan Kertas Konsultasi Awam (KKA): Pelaksanaan Peraturan Glob di Malaysia (The Implimentation of Globe Rules in Malaysia), Kementerian Kewangan telah menerbitkan sebuah lagi KKA untuk Bajet 2023 bertajuk “Penerapan Prinsip Alam Sekitar, Sosial dan Tadbir Urus (ESG) Dalam Pelaburan oleh Syarikat Pelaburan Berkaitan Kerajaan (GLIC) dan Syarikat Menteri Kewangan Diperbadankan (MKD)”.

KKA kali ini bertujuan untuk mengumpul cadangan berlandaskan prinsip ESG bagi meningkatkan daya saing GLIC dan MKD yang mampu menyumbang kepada agenda pembangunan mampan negara.

Kertas konsultasi ini menggariskan cadangan penambahbaikan ke atas pengurusan GLIC dan MKD melalui penerapan prinsip ESG dalam perniagaan dan pelaburan.

Objektif cadangan adalah:

- i) Meningkatkan peluang GLIC dan syarikat MKD mendapat pembiayaan ekuiti dan pembiayaan hutang bagi projek;
- ii) Meningkatkan daya saing syarikat;
- iii) Menyumbang kepada agenda iklim dan kemampanan negara; dan
- iv) Membantu negara mencapai pertumbuhan yang mampan.

Cadangan penambahbaikan turut diketengahkan bagi penerapan prinsip ESG dalam perniagaan dan pelaburan MKD. Untuk maklumat lanjut, sila layari laman web rasmi Kementerian Kewangan di pautan <https://budget.mof.gov.my/ms/bajet2023/kertaskonsultasi/> dan maklum balas boleh dikongsikan melalui pautan <https://bit.ly/3QkBdnL> sebelum atau pada 23 Ogos 2022.

# JUN 2022 CATAT KADAR PENGANGGURAN TERENDAH SEJAK PANDEMIK COVID-19

Jabatan Perangkaan Malaysia (DOSM) melaporkan dalam siaran Statistik Tenaga Buruh, Malaysia bahawa kadar pengangguran pada bulan Jun 2022 menurun kepada 3.8% (630,600 individu) berbanding 3.9% (637,700 individu) pada bulan Mei 2022. Malaysia telah mencapai guna tenaga secara maksimum sejak bulan April 2022 iaitu kadar pengangguran di bawah tahap 4%, berdasarkan definisi yang ditetapkan oleh Organisasi Kerjasama dan Pembangunan Ekonomi (OECD).

Pencapaian pasaran buruh pada Jun 2022 adalah selaras dengan aktiviti ekonomi semasa yang lebih kukuh susulan peralihan ke fasa endemik di seluruh negara. Oleh yang demikian, permintaan terhadap tenaga buruh telah meningkat, sekali gus membuka lebih banyak peluang pekerjaan.

## PROGRAM PEMBIAYAAN PEMULIH NEWBIZ

Seperi, yang diumumkan oleh YAB Perdana Menteri baru-baru ini, Kerajaan telah memperuntukkan RM50 juta bagi Program Pembiayaan PEMULIH NewBiz. Ini adalah bagi individu termasuk graduan dan siswazah yang berminat memulakan perniagaan mikro berasaskan makanan.

Kemudahan ini termasuk bagi mereka yang ingin memulakan perniagaan mikro berasaskan makanan di rumah (home-based), membeli mesin bagi tujuan perniagaan makanan, atau pembelian motosikal bagi tujuan penghantaran makanan menerusi platform e-hailing dan seumpamanya.

Program Pembiayaan Pemulih Newbiz menawarkan pembiayaan sebanyak RM5,000 bagi peringkat pertama dan RM10,000 bagi peringkat kedua dengan kadar keuntungan 0% dalam tempoh 6 bulan pertama. Pemohonan dan pertanyaan lanjut boleh dilakukan melalui talian 1-300-88-2476, laman sesawang <https://www.agrobank.com.my/> atau kunjungi cawangan Agrobank yang berhampiran.

## PROGRAM SEMARAKNIAGA BANTU MEMPERKASAKAN PKS PASCA COVID-19



**Puan Siti Suraya**  
*Pengusaha Perniagaan Tempatan di  
Kampung Johan Setia, Klang, Selangor*

Edisi Laporan Kewangan Rakyat kali ini menampilkan Puan Siti Suraya, seorang pengusaha perniagaan tempatan di Kampung Johan Setia, Klang, Selangor. Beliau merupakan pengasas Sorrellicious Legacy, yang menghasilkan produk-produk berasaskan Roselle. Beliau telah berjaya mengharungi cabaran pandemik COVID-19, malah telah melebarkan sayap perniagaan dengan lebih meluas.

Perniagaan Puan Siti Suraya telah mengalami kerugian semasa Perintah Kawalan Pergerakan mula-mula diumumkan. Ianya telah merencatkan beberapa perancangan perniagaan beliau akibat kerosakan 3,000 anak pokok Roselle di ladang beliau seluas 1.6 ekar.

Menerusi inisiatif SemarakNiaga, beliau telah memohon dana TEKUN Nasional untuk penanaman semula Roselle, penyediaan alat perniagaan serta bantuan aliran tunai. Menerusi bantuan tersebut, proses penanaman dan pengeluaran Roselle telah meningkat sehingga 200kg sebulan berbanding 50kg sebelum ini.

Perniagaan Puan Siti Suraya yang hanya bermula sebagai hobi, kini telah diperluas sehingga 2.0 ekar keluasan tanah yang menempatkan kira-kira 4,500 anak pokok Roselle.

Berpegang kepada visi untuk menjadi pengeluar produk segar tani terunggul di Asia, Puan Siti Suraya kini lebih maju dan berdaya saing. Bantuan dan tunjuk ajar daripada pihak Jabatan Pertanian, MARDI, FAMA dan badan-badan Kerajaan yang lain telah memberi sokongan kepada beliau untuk kekal bertahan dan terus berkembang.

# PENGEKALAN & PENJANAAN PEKERJAAN

## DANA SKIM PEMBIAYAAN PERKASA TVET 1.0

Dalam RMK-12, Kerajaan telah mengenal pasti Pendidikan dan Latihan Teknikal dan Vokasional (atau TVET) sebagai salah satu pemacu perubahan bagi memenuhi permintaan pekerja oleh industri kita dengan lebih baik. Bagi memperkasa bidang TVET, Kerajaan melalui Bajet 2022 telah menyediakan peruntukan berjumlah RM6.6 bilion untuk melaksanakan pelbagai inisiatif di bawah Kementerian dan agensi-agensi berkaitan. Antaranya adalah Skim Pembiayaan Perkasa TVET 2022 dengan peruntukan berjumlah RM100 juta khusus bagi membantu mereka yang ingin menguasai kemahiran baru atau meningkatkan kemahiran sedia ada untuk memenuhi keperluan industri.

Program Latihan TVET merupakan program kemahiran jangka pendek (kurang daripada 6 bulan) termasuk secara program penuh atau modular atau Pengiktirafan Pencapaian Terdahulu (PPT) atau bergantung kepada permintaan majikan/industri di bawah Persijilan Kemahiran Malaysia (PKM), Jabatan Pembangunan Kemahiran (JPK), Penyedia Latihan Awam (PLA)/ Penyedia Latihan Swasta (PLS) digalakkan menawarkan kursus latihan secara "value added" bagi meningkatkan kebolehpasaran pelatih. Pelatih yang layak akan diberi penempatan pekerjaan atau peluang peningkatan kerjaya terlebih dahulu oleh majikan dan menjalani latihan di PLA/PLS berdasarkan kepada konsep "Place and Train".

**Pemohonan masih dibuka** bagi semua warganegara Malaysia yang berumur 15 hingga 45 tahun. Untuk maklumat lanjut, sila layari laman sesawang Kementerian Kewangan Bajet 2022 <https://budget.mof.gov.my/manfaat/faq/perkasa-tvet.html>.

## PROGRAM PENJANA KPT-PACE

Melalui Inisiatif 4: Menjana dan Mengekalkan Pekerjaan, di dalam Bajet 2022 PENJANA, KPT-PACE merupakan program peningkatan kemahiran dan pengukuhan kompetensi pelajar tahun akhir dan graduan 2022 melalui persijilan profesional berasaskan kepakaran dan kompetensi mengikut bidang yang diceburi. Inisiatif KPT-PACE yang diperuntukkan sebanyak RM150 juta ini terbuka kepada:

IPTA	IPTS	JPPKK
Warganegara Malaysia	Warganegara Malaysia	Warganegara Malaysia
Pelajar tahun akhir yang mengikuti pengajian di peringkat Diploma/Sarjana Muda/Sarjana di Universiti Awam	Pelajar tahun akhir Institusi Pendidikan Tinggi Swasta	Pelajar tahun akhir Politeknik dan Kolej Komuniti
Graduan 2022 peringkat pengajian Diploma, Sarjana Muda atau Sarjana lepasan Universiti Awam	Graduan 2022 peringkat pengajian Sarjana/Sarjana Muda/Diploma/Sijil lepasan Institusi Pendidikan Tinggi Swasta	Graduan 2022 peringkat pengajian Sarjana Muda/Diploma/Sijil lepasan Politeknik dan Kolej Komuniti
Belum ditawarkan sebarang program di bawah PENJANA	Belum ditawarkan sebarang program di bawah PENJANA	Belum ditawarkan sebarang program di bawah PENJANA
Pelajar Sarjana yang tidak bekerja sahaja dibenarkan mengikuti program ini	Untuk pelajar Sarjana, hanya mereka yang tidak bekerja sahaja layak dipertimbangkan	

KPT-PACE dikendalikan oleh Kementerian Pengajian Tinggi (KPT) mensasarkan 45 ribu graduan dengan pemberian baucar tunai berjumlah RM3,000 disediakan bagi para pelajar yang mengikuti kursus. Walaubagaimanapun, tempoh latihan adalah tertakluk kepada kursus yang diikuti. **Setakat 31 Julai 2022**, baucer tunai bernilai **RM21.902 juta** telah disalurkan kepada kepada **6,799 pelajar tahun akhir dan graduan** melalui persijilan profesional berasaskan kepakaran. Permohonan boleh dilakukan melalui pautan berikut <https://kptpace.mohe.gov.my/Identity/Account/Login>. Untuk maklumat lanjut, sila layari Laman Rasmi Bajet 2022 Kementerian Kewangan di pautan <https://budget.mof.gov.my/manfaat/faq/kpt-pace.html>.

## PENERAJU SKILL 2.0 & PENERAJU TEKNOLOGI

Bagi memastikan permintaan industri dipenuhi, Program Peneraju Skill 2.0 dan Peneraju Teknologi yang diumumkan di bawah Bajet 2022 dengan peruntukan RM70 juta telah diperbaharui dengan objektif mempertingkatkan bilangan golongan Bumiputera profesional bertauliah seperti di dalam bidang perakaunan, kewangan, dan sektor kejuruteraan yang terpilih. Peneraju Teknologi bertujuan mempertingkatkan bilangan golongan Bumiputera di dalam bidang Teknologi Digital di dalam sektor berpendapatan tinggi, kritikal, atau industri baru (emerging industries) bagi industri berkaitan Revolusi Industri (IR) 4.0.

Peneraju Skill 2.0 dan Peneraju Teknologi di bawah seliaan Yayasan Peneraju mensasarkan lebih 3 ribu pemohon bagi inisiatif ini di mana bantuan yang ditawarkan adalah pembiayaan penuh, separa atau secara one-off yang melibatkan yuran latihan dan peperiksaan, setelah pemohon diterima masuk ke dalam program. Di samping itu, pelepasan cukai bagi perbelanjaan menghadiri kursus peningkatan kemahiran atau kemajuan turut ditingkatkan kepada RM2,000 sehingga 2023 manakala pelepasan cukai yang dikenakan ke atas yuran kursus dengan mana-mana badan profesional yang diluluskan sehingga RM7,000.

PEMOHON	PENERAJU SKILL 2.0	PENERAJU TEKNOLOGI
Pelajar tahun akhir universiti	<i>Boilerman</i>	<i>Data Analyst</i>
Graduan baru	<i>Industrial Automation</i>	<i>Data Engineer</i>
SKM 4 atau Lulusan SPM	<i>Quality Assurance Technician</i>	<i>Data Scientist</i>
Golongan bekerja	<i>Sheet Metal Fabrication</i>	<i>Cloud Computing/Solutions</i>
Golongan tidak bekerja	<i>Automotive Industry Engineering</i>	<i>Cybersecurity</i>
	<i>System Integration</i>	<i>SAP</i>
	<i>CAD/CAM Specialist</i>	<i>Digital Marketing</i>
	<i>Fiber Optic &amp; Network Installer</i>	<i>Data Labeling for Future AI</i>
	<i>Port Young Engineer</i>	<i>Deep Learning</i>
	<i>Port Planner</i>	<i>Hyperledger Fabric Developer</i>
	<i>Chargeman (L1, L3, A4 and B0)</i>	<i>Amazon Web Services</i>
	<i>Wireman (1st &amp; 2nd Grade, PW3, PW4)</i>	<i>Cisco Certified Network Associate</i>
	<i>Production Technician</i>	
	<i>Solar PV Installation &amp; Maintenance</i>	
	<i>Safety &amp; Health Officer</i>	

Tempoh masa latihan tertakluk kepada subprogram yang diluluskan iaitu di antara 3 hingga 18 bulan dan dibuka permohonan turut dibuka sehingga Disember 2022. **Setakat 31 Julai**, sebanyak **400 peserta** telah diluluskan bagi Program Peneraju Skill 2.0 manakala **38 peserta** telah diluluskan bagi Program Peneraju Teknologi. Untuk maklumat lanjut, sila layari Laman Rasmi Bajet 2022 Kementerian Kewangan dan Yayasan Peneraju di pautan <https://budget.mof.gov.my/manfaat/faq/peneraju-skill.html> dan <https://yayasanpeneraju.com.my/program/peneraju-skill/>

## FIT4WORK OLEH INVESTKL

InvestKL Fit4Work ialah program latihan bakat di bawah Pakej PENJANA mahupun Bajet 2022 untuk meningkatkan set kemahiran penting graduan muda Malaysia yang diperlukan untuk Industri Perkhidmatan Global. InvestKL, merupakan sebuah agensi di bawah Kementerian Perdagangan Antarabangsa dan Industri (MITI) di samping memainkan peranan sebagai sebuah Agensi Penggalakan Pelaburan yang memberi tumpuan untuk menarik syarikat multinasional menubuhkan hab serantau dan menjalankan aktiviti serantau di wilayah Kuala Lumpur. Objektif inisiatif ini adalah untuk meningkatkan elemen kemahiran insaniah dari segi kemahiran pengurusan, kemahiran ilmu pengetahuan, kemahiran asas dan kemahiran teknikal IR4.0 untuk para graduan baru.

Fit4Work adalah program yang disediakan selama 2 tahun untuk graduan muda Malaysia meningkatkan kemahiran penting yang diperlukan oleh industri perkhidmatan, melalui tempoh latihan yang akan diberikan selama 3 bulan. Permohonan dibuka sehingga Disember 2022, mengikut kriteria berikut:

- Warganegara Malaysia
- Graduan ijazah universiti awam dan swasta yang berumur di antara 18-30 tahun. dan bersedia untuk bekerja
- Tidak menyertai mana-mana program latihan PENJANA (Reskilling & Upskilling) atau Bajet 2022 yang lain
- CGPA sebanyak 2.8 dan ke atas
- Kemahiran berbahasa Inggeris - MUET Band 4, IELTS Band 7 dan ke atas
- Aktif dalam aktiviti kurikulum dan mempunyai bakat kepimpinan

Fokus utama industri program adalah bertunjangkan Pusat Perniagaan ASEAN/Serantau, Perkhidmatan Perniagaan Global, Ekonomi Digital, Revolusi Perindustrian 4.0, Teknologi Hijau, Tenaga Boleh Diperbaharui, Pusat Kecemerlangan, Pusat Perkhidmatan Kongsi, Industri Kandungan, E-dagang, Logistik, Pengangkutan & Mobiliti. Pemohon yang berkelayakan akan menerima elaun bayaran sebanyak RM 2,000 ringgit, disamping kontrak perkerjaan selama 1 tahun bersama syarikat yang terlibat. **Setakat ini 31 Julai 2022**, sebanyak **549 peserta** telah ditempatkan melalui program Fit4Work tersebut. Untuk maklumat lanjut, sila layari Laman Rasmi Bajet 2022 Kementerian Kewangan dan InvestKL di pautan <https://budget.mof.gov.my/manfaat/faq/miti-fit4work.html> dan <https://www.investkl.gov.my/initiatives/talent-programmes/fit4work>.

# MALAYSIA SHORT-TERM EMPLOYMENT PROGRAMME (MYSTEP)



MYSTEP PENGENALAN | PERMOHONAN | INFO



**PELUANG PEKERJAAN  
UNTUK KELUARGA MALAYSIA**

**MOHON DI SINI**

Di bawah Bajet 2022, MySTEP menawarkan 80,000 peluang pekerjaan secara kontrak merangkumi 50,000 pekerjaan dalam sektor awam dan 30,000 pekerjaan dalam GLC dan rakan-rakan strategik mulai Januari 2022. Pemohon MySTEP tersebut akan ditempatkan di pelbagai Kementerian dan Agensi seperti Kementerian Kewangan, Kementerian Pengajian Tinggi, Suruhanjaya Perkhidmatan Awam dan Suruhanjaya Pencegah Rasuah Malaysia. Bagi GLC pula, permohonan telah ditempatkan di organisasi seperti PETRONAS, Permodalan Nasional Berhad, KWSP dan Khazanah Nasional.

Pada tahun lepas, MySTEP telah berjaya mencapai sasaran keseluruhan 50,000 peluang pekerjaan bagi tahun 2021 dengan menempatkan seramai 63,221 peserta. Dari jumlah ini, seramai 41,680 peserta telah berjaya ditempatkan di sektor awam manakala 21,541 peserta pula ditempatkan di GLC dan rakan-rakan strategik mereka. Bagi tahun ini pula **setakat 31 Julai 2022**, seramai **40,095 personel** telah berjaya ditempatkan melalui program ini. Daripada jumlah ini, seramai **20,773 orang personel** peserta telah ditempatkan di sektor awam manakala **19,322 orang personel** peserta pula berjaya ditempatkan di GLC dan rakan-rakan strategik mereka.

Bagi memastikan tempat buat anak muda OKU menceburi bidang pekerjaan, Kerajaan juga telah menyediakan kuota khas sebanyak 1% peluang penempatan untuk program MySTEP kepada golongan OKU. Kerajaan amat menggalakkan agar warga OKU turut mengambil kesempatan ini dan memohon penyertaan melalui Portal MySTEP di pautan **<https://mystep.mof.gov.my>**. Untuk maklumat lanjut berhubung MySTEP atau inisiatif Kerajaan lain, sila layari Laman Rasmi Bajet 2022 Kementerian Kewangan di pautan **<https://budget.mof.gov.my/manfaat/>**

## SKIM PERLINDUNGAN SOSIAL KHIDMAT

Kerajaan melalui Pertubuhan Keselamatan Sosial (PERKESO) menyediakan bantuan penuh caruman di mana pembiayaan caruman sepenuhnya (100%) di bawah Pelan Caruman 2 dan 4 dengan tempoh perlindungan selama 12 bulan kepada Orang Bekerja Sendiri (OBS). Di bawah inisiatif ini, kumpulan sasar yang dikhususkan kepada 4 kategori pekerja iaitu Anggota Pasukan Sukarelawan, Perkhidmatan Rumah Ibadat Islam (JAKIM), Penyelia dan Petugas Pemulihan Komuniti dan Anggota Sektor Awam.

Perkara	Pelan Caruman 2 (RM232.80 setahun)	Pelan Caruman 4 (RM592.80 setahun)
Sumbangan Kerajaan	100%	
Faedah Perubatan	Rawatan perubatan di klinik panel/ hospital kerajaan PERKESO dan membuat tuntutan penggantian perbelanjaan yang dikeluarkan	
Faedah Hilang Upaya Sementara (HUS)	80% daripada RM1,550 (setiap cuti sakit berkelayakan menerima RM41.33 sehari)	80% daripada RM3,950 (setiap cuti sakit berkelayakan menerima RM105.33 sehari)

Permohonan individu boleh dibuat melalui agensi pentadbiran masing-masing manakala permohonan secara pukal perlu dikemukakan kepada bahagian SPS PERKESO melalui [spsfaedah@perkeso.gov.my](mailto:spsfaedah@perkeso.gov.my) untuk proses pendaftaran lanjut. **Setakat 31 Julai 2022**, sebanyak **58,476 OBS** telah mencarum bagi skim ini dengan nilai kutipan sebanyak **RM14.176 juta**. Untuk maklumat lanjut, sila layari

<https://budget.mof.gov.my/manfaat/en/faq/sps-khidmat.html>

## SPS PADANAN CARUMAN

Kerajaan telah menyediakan bantuan padanan caruman sebanyak 80% di bawah Pelan 2 (RM232.80) di mana hanya 20% (RM46.60) sahaja perlu dibayar oleh kumpulan sasaran Orang Bekerja Sendiri (OBS). Kumpulan sasar di bawah SPS Padanan Caruman ini dikhususkan kepada lapan kategori berikut:

Kumpulan Sasaran OBS	
SPS Asal	<ul style="list-style-type: none"> <li>Orang Asli (Semenanjung)</li> <li>Orang Asal (Sabah dan Sarawak) yang bekerja di bawah 20 sektor</li> </ul>
SPS Gig	Orang yang bekerja sendiri menggunakan aplikasi digital di bawah syarikat pengantara di bawah 20 sektor
SPS Jaja	Sektor Penjana (Pasar, Gerai/ Kiosk dan Food Truck)
SPS Lain Upaya	Orang Kurang Upaya yang Bekerja sendiri di bawah 20 sektor
SPS Lancong	Sektor Pelancongan termasuklah homestay, ejen pelancongan dan sebagainya
SPS Seni	Sektor kesenian yang terdiri daripada artis, penyanyi, pelakon, penari, kru produksi, kraftangan, pelukis dan sebagainya
SPS Tani	Sektor Pertanian, Sektor Perikanan (termasuk akuakultur), Sektor Penternakan dan Sektor Perhutanan
SPS Usahawanita	Wanita yang bekerja di bawah 20 sektor

Manakala berikut merupakan 20 sektor yang dilindungi di bawah Skim Keselamatan Sosial Pekerja Sendiri:

Pengangkutan Penumpang	Pengangkutan dan Penghantar Barangan
Pertanian	Penternakan
Perhutanan	Perikanan
Pembuatan	Makanan
Penjaja	Pembinaan
Perniagaan Dalam Talian	Premis Penginapan
Pemprosesan Data	Teknologi Maklumat
Perkhidmatan Profesional	Ejen
Kesenian	Perkhidmatan Sokongan
Sektor Penjagaan, Perawatan dan Pemulihan Kesihatan	Perkhidmatan Isi Rumah

**Setakat 31 Julai 2022**, sebanyak **194,712 OBS** telah pun mencarum dengan jumlah kutipan keseluruhan sebanyak **RM45.329 juta**. Untuk maklumat lanjut, sila layari <https://budget.mof.gov.my/manfaat/en/faq/sps-padanancaruman.html>


## **PROGRAM RESKILLING AND UPSKILLING VETERAN ANGKATAN TENTERA MALAYSIA (PRUV-ATM)**

Kerajaan telah memperuntukkan sebanyak RM15 juta di bawah Bajet 2022 bagi Program Peningkatan Kemahiran dan Latihan Semula khusus untuk pesara tentera melalui Perbadanan Hal Ehwal Bekas Angkatan Tentera (PERHEBAT). Program ini dilaksanakan untuk menambahbaik status sosio-ekonomi veteran di mana veteran akan dilatih untuk meningkatkan pengetahuan dan kemahiran dimiliki bagi sektor pekerjaan dan keusahawanan yang diceburi.

Veteran Angkatan Tentera Malaysia (ATM) yang layak memohon ialah veteran yang telah menjalani Latihan Peralihan antara tahun 2015 hingga 2021. **Sehingga 22 Julai 2022**, seramai **8,891 veteran ATM** ini telah memanfaatkan program ini. Untuk maklumat lanjut, sila layari <https://budget.mof.gov.my/manfaat/faq/pruv-atm.html>

## PROGRAM SUBSIDI UPAH 1.0 (PSU 1.0)

Di bawah Pakej PRIHATIN, Program Subsidi Upah (PSU) adalah bantuan kewangan yang dibayar kepada majikan setiap perusahaan bagi setiap pekerja tempatan yang bergaji RM4,000 dan ke bawah. Subsidi sehingga RM1,200 sebulan tersebut akan diberikan untuk tempoh 3 bulan bagi membantu majikan yang terkesan dari segi ekonomi akibat COVID-19 supaya dapat meneruskan operasi syarikat serta mengelakkan pekerja hilang pekerjaan dan punca pendapatan. Program tersebut dilanjutkan untuk 3 bulan tambahan di bawah Pakej PENJANA dan secara keseluruhannya, subsidi yang diberikan kepada majikan adalah untuk tempoh 6 bulan. **Setakat 22 Julai 2022**, seramai **322,177 majikan** dan **2.64 juta pekerja** telah menerima manfaat PSU di bawah PRIHATIN dan PENJANA di mana permohonan subsidi upah yang diluluskan telah pun mencapai nilai **RM12.958 bilion**.




\*Jumlah kumulatif

\*Jumlah majikan dan pekerja kekal pada takat maksima. Namun, pembayaran dibuat secara berfasa dan berterusan untuk memastikan bahawa hanya perusahaan yang layak sahaja menerima subsidi tersebut

## PROGRAM SUBSIDI UPAH 2.0 (PSU 2.0)


Di bawah Pakej Kita PRIHATIN pula, bantuan subsidi upah tersebut dilanjutkan untuk 3 bulan tambahan bagi majikan sedia ada yang menerima PSU manakala bantuan PSU selama 6 bulan diberikan kepada semua permohonan antara 1 Oktober 2020 hingga 31 Disember 2020. **Setakat 22 Julai 2022**, sejumlah **RM1.408 bilion** telah disalurkan kepada **81,165 majikan** untuk terus beroperasi dan mengekalkan penggajian bagi **719,185 pekerja**.



\*Jumlah kumulatif

## PROGRAM SUBSIDI UPAH 3.0 (PSU 3.0)

Di bawah Belanjawan 2021 dengan peruntukan sebanyak RM1.5 bilion, Kerajaan telah melanjutkan pelaksanaan PSU selama 3 bulan lagi dengan lebih bersasar, khususnya bagi sektor pelancongan termasuk sektor peruncitan dengan kadar RM600 sebulan bagi pekerja bergaji RM4,000 dan ke bawah. **Setakat 22 Julai 2022**, sebanyak **RM3.776 bilion** telah disalurkan kepada **162,317 majikan** untuk mengekalkan penggajian bagi **1,528,214 pekerja**.




\*Jumlah kumulatif

PSU 3.0 turut ditambahbaik dengan Pakej Bantuan PERMAI, PEMERKASA dan PEMERKASA+ seperti berikut:

Peruntukan	Tarikh Permohonan	Sektor Sasaran	Tempoh Subsidi Upah
Belanjawan 2021 (PSU 3.0 Bersasar)	1 Januari 2021 – 30 Jun 2021	Sektor Pelancongan & Runcit	3 bulan tambahan bagi majikan sedia ada 6 bulan bagi permohonan baru
PSU 3.0 PERMAI	19 Januari 2021 – 30 Jun 2021	Semua sektor di negeri PKP	1 bulan sahaja
PEMERKASA (PSU 3.0 PEMERKASA)	1 April 2021 – 30 Jun 2021	Sektor Pelancongan & Runcit Serta Perniagaan lain yang ditutup semasa PKP 2.0	3 bulan tambahan bagi majikan sedia ada dan baru
PEMERKASA+	1 Jun 2021 – 31 Julai 2021	Semua Sektor	1 bulan tambahan bagi majikan sedia ada dan baru


## PROGRAM SUBSIDI UPAH 4.0 (PSU 4.0)

Di bawah Pakej PEMULIH pula, Kerajaan telah melaksanakan PSU 4.0 dengan peruntukan sebanyak RM3.8 bilion yang dijangka memanfaatkan 2.5 juta pekerja. Melalui PSU 4.0, Kerajaan akan menampung sehingga 500 pekerja bagi setiap majikan dengan kadar sebanyak RM600 setiap pekerja selama tempoh empat bulan, iaitu 2 bulan bagi semua sektor dalam fasa kedua PPN dan dua bulan seterusnya khusus bagi sektor-sektor yang dikategorikan dalam senarai negatif semasa tempoh fasa ketiga nanti. Had gaji RM4,000 juga telah dilonggarkan yang membolehkan majikan untuk memohon PSU 4.0 bagi pekerja yang bergaji lebih dari RM4,000. **Setakat 22 Julai 2022**, sebanyak **RM2.575 bilion** telah disalurkan kepada **163,942 majikan** untuk terus beroperasi dan mengekalkan penggajian bagi **1,922,425 pekerja**.



## PROGRAM SUBSIDI UPAH 5.0 (PSU 5.0)

Dengan peruntukan sebanyak RM600 juta di bawah Bajet 2022, Kerajaan melalui PERKESO akan meneruskan pelaksanaan Program Subsidi Upah bersasar kepada pengusaha pelancongan yang mengalami penurunan pendapatan sekurang-kurangnya 30% daripada jumlah jualan atau pendapatan pada bulan Oktober 2021 sehingga Disember 2021 berbanding mana-mana bulan pada tahun 2019 sehingga 2021 sebelum penularan wabak COVID-19. Permohonan telahpun dibuka sejak 1 Januari 2022 sehingga 31 Mac 2022 namun majikan dari sektor yang tidak tersenarai tetapi masih terjejas akibat penularan COVID-19 masih boleh mengemukakan rayuan secara atas talian kepada PERKESO. **Setakat 22 Julai 2022**, sebanyak **RM215.441 juta** telah disalurkan kepada **7,999 majikan** untuk terus beroperasi dan mengekalkan penggajian bagi **121,907 pekerja**. Untuk maklumat lanjut, sila layari <https://www.perkeso.gov.my/bajet-2022/sip-bajet-2022.html>.










**Secara keseluruhannya**, Kerajaan telah menyalurkan sebanyak **RM20.932 bilion** kepada **357,907 majikan** melalui Program Subsidi Upah bagi mengekalkan penggajian **2,958,967 pekerja tempatan** dalam usaha untuk mengurangkan kadar pengangguran dalam kalangan pekerja warganegara Malaysia.

# PROTÉGÉ READY-TO-WORK

*Professional Training and Education for Growing Entrepreneurs* (PROTÉGÉ) merupakan inisiatif Kerajaan melalui Kementerian Pembangunan Usahawan dan Koperasi (MEDAC) untuk melaksanakan program-program peningkatan kebolehpasaran dan memupuk kemahiran keusahawanan dalam kalangan graduan. Antara program-program yang dianjurkan oleh PROTÉGÉ adalah Program Protégé Ready-to-Work yang menyediakan peluang penempatan latihan selama 8 hingga 12 bulan. Syarikat yang mengambil bahagian dalam program ini seperti Syarikat Berkaitan Kerajaan (GLC) serta syarikat-syarikat penerima perolehan Kerajaan di bawah Pekeliling Perbendaharaan (PK1.2). Program ini juga menawarkan modul latihan berkaitan keusahawanan untuk memupuk semangat keusahawanan di kalangan graduan. Pada tahun lepas, sebanyak **4,611 graduan** telah berjaya ditempatkan melalui program Ready-to-work manakala sebanyak **4,674 graduan** baharu telah pun ditempatkan bagi tahun ini **setakat 15 Julai 2022**. Untuk maklumat lanjut, sila layari laman web PROTEGE di <http://protege.gov.my/www/index.php>

## PROGRAM KEMAHIRAN DAN PENINGKATAN KEMAHIRAN PENJANA

Pada tahun lepas, seramai **151,505 peserta** telah diluluskan untuk mengambil bahagian dalam program-program yang disediakan. Senarai kursus-kursus yang mendapat permintaan boleh dilihat melalui pautan Kementerian Kewangan. Selain itu, pemohon juga boleh layari laman sesawang agensi-agensi Kerajaan seperti yang dimaklumkan di dalam laporan bertulis, untuk mendapatkan maklumat mengenai kursus-kursus yang ditawarkan. Bagi mereka yang sedang mencari pekerjaan terutamanya golongan belia, anda semua dijemput menyertai kursus-kursus ini.

Kementerian/Agensi	Program / Skim / Inisiatif				
 <p><b>Pembangunan Sumber Manusia Berhad (PSMB)</b> (<a href="http://www.penjanahrdf.com.my">www.penjanahrdf.com.my</a>)</p>	SME Development	Industrial Revolution 4.0 (IREV4.0)	Place & Train	Gerak Insan Gemilang (GIG)	B40 Development
 <p><b>Kementerian Pembangunan, Usahawan dan Koperasi (MEDAC)</b> (<a href="https://www.medac.gov.my">https://www.medac.gov.my</a>)</p>	INSKEN Business Training	Program Mikro Connector			
 <p><b>Majlis Amanah Rakyat (MARA)</b> (<a href="http://penjana.mara.gov.my/">http://penjana.mara.gov.my/</a>)</p>	Modul Khas Penjagaan Kesihatan dan Keselamatan Kebiasaan Baharu	Building Internal Entrepreneur Capabilities by Engaging e-Commerce Bespoke Programme (e-entrepreneur) – Training e-Commerce Platform	Building Capabilities and Providing Jobs Through Competencies/ Short Courses Programme		
 <p><b>East Coast Economic Region Development Council (ECER)</b> (<a href="https://www.ecercd.com.my/penjana/Website/index.html">https://www.ecercd.com.my/penjana/Website/index.html</a>)</p>	ETEP Enhanced Train & Place (PENJANA)				
 <p><b>Northern Corridor Implementation Authority (NCIA)</b> (<a href="https://www.ncer.com.my/jomkerja_jomniaga/">https://www.ncer.com.my/jomkerja_jomniaga/</a>)</p>	JomNiaga@ NCER	JomKerja@ NCER			
 <p><b>Kementerian Pelancongan, Seni dan Budaya Malaysia (MOTAC)</b> (<a href="http://www.motac.gov.my/">http://www.motac.gov.my/</a>)</p>	Pembangunan Kemahiran Komuniti				
 <p><b>Kementerian Pengajian Tinggi (KPT)</b> (<a href="https://great.mohe.gov.my">https://great.mohe.gov.my</a>)</p>	Program Ekonomi Gig	Program Keusahawanan			

Kerajaan melalui pelbagai Kementerian dan Agensi Kerajaan akan meneruskan usaha latihan dan peningkatan kemahiran bagi tahun 2022 dengan **peruntukan keseluruhan berjumlah RM1.1 bilion** yang menyasarkan **220 ribu peluang pekerjaan**. Antara inisiatif yang akan dilaksanakan adalah seperti berikut:

Latihan dan Peningkatan Kemahiran	Agensi	Sasaran
HRDC	HRDC	36,000
Koridor Wilayah	Koridor	16,000
PRUV-ATM	PERHEBAT	5,000
SLDN Plus	JPK	10,000
KPT-CAP	KPT	20,000
KPR-PACE	KPT	45,000
TVET Training	JPPKK	25,000
MITI Reskilling	MITI	24,000
MDEC	MDEC	12,000
Upskilling for Deeptech and Future Skills	MOSTI	5,000
Peneraju Skill dan Peneraju Teknologi	JPM	3,000
Pusat Pembangunan Kemahiran Negeri	FMSDC	5,000
PERKASA TVET	PTPK	13,000
Program Inkubator Graduan Kreatif	MyCreative Ventures	1,000
	<b>JUMLAH</b>	<b>220,000</b>

Kementerian Kewangan dan Kementerian Sumber Manusia juga telah diberi tanggungjawab menyediakan 'single window' bagi memastikan program latihan dan peningkatan kemahiran yang dijalankan pelbagai kementerian dan agensi dilaksanakan dengan efektif dan optimum. Untuk maklumat lanjut berhubung Program Latihan dan Peningkatan Latihan yang disediakan oleh Kerajaan, sila layari laman sesawang UpSkillMalaysia di <https://upskillmalaysia.gov.my/>

## CAREER ADVANCEMENT PROGRAMME (KPT-CAP)

Kerajaan melalui Kementerian Pengajian Tinggi telah memperuntukkan sebanyak RM100 juta bagi menjayakan program KPT-CAP (Career Advancement Programme) atau Program Peningkatan Kerjaya sebagai usaha untuk menangani isu graduan menganggur. Program peningkatan kemahiran ini adalah hasil kerjasama pelbagai Kementerian, Agensi serta pihak industri bagi melahirkan graduan berketerampilan untuk memenuhi pasaran kerja yang bersesuaian.

Program ini dilaksanakan melalui 3 aliran utama iaitu Place and Train, Latihan Keusahawanan serta latihan penyediaan bagi Ekonomi Gig. Place and Train ialah program latihan kompetensi bersasar kepada peserta sebelum memulakan pekerjaan yang ditawarkan oleh industri manakala Latihan Keusahawanan menyasarkan penubuhan syarikat pemula dari kalangan graduan. Peserta yang turut menyertai latihan keusahawanan turut berupaya mendapatkan bantuan pembiayaan kewangan daripada institusi perbankan dan agensi Kerajaan seperti Majlis Amanah Rakyat (MARA), TEKUN Nasional, Amanah Ikhtiar Malaysia dan sebagainya. Aliran terakhir adalah Ekonomi Gig iaitu program latihan kompetensi yang mampu membantu peserta untuk menjana pendapatan melalui ekonomi Gig atau aktiviti berbentuk freelancing.

Graduan yang turut menyertai program ini akan dibiayai sepenuhnya untuk menjalani satu daripada tiga sub program yang bernilai sehingga RM5,000 untuk setiap peserta. Tambahan pula, setiap permohonan akan ditapis melalui sistem Single Window, Single Offer di mana latihan yang ditawarkan adalah bergantung kepada jurusan yang diambil semasa di universiti. Peserta yang terlibat akan dijamin pekerjaan untuk tempoh masa antara 6 hingga 12 bulan dengan gaji yang ditetapkan sekitar RM2,000 hingga RM2,500. Pada tahun lepas, sebanyak **19,266 graduan** telah mendapat peluang pekerjaan melalui program KPT-CAP.

Dalam usaha Kerajaan untuk menangani isu graduan menganggur, Kerajaan akan meneruskan inisiatif KPT-CAP dengan sasaran untuk menawarkan 20,000 peluang pekerjaan kepada golongan graduan bagi tahun 2022. **Setakat 31 Julai 2022**, KPT-CAP telah berjaya menempatkan **5,832 graduan** bagi tahun ini. Untuk maklumat lanjut, sila layari <https://great.mohe.gov.my/>


## SKIM PERANTISAN NASIONAL

Skim Perantisan Nasional (SPN) adalah sebuah skim perantisan yang dilaksanakan di bawah Kementerian Belia dan Sukan dengan kerjasama kementerian-kementerian lain seperti Kementerian Kerja Raya dan Kementerian Sumber Manusia serta Agensi-agensi persekutuan di bawah ketiga-tiga kementerian tersebut.

Skim yang berkonsepkan “*Place and Train*” ini memberi jaminan peluang pekerjaan kepada belia sebagai perantis di pelbagai syarikat dan organisasi yang terlibat. SPN juga menyediakan sistem sokongan dengan memberi pengalaman kepada belia serta meningkatkan pengetahuan dan kemahiran golongan belia melalui latihan soft-skill dan on-the-job training. Melalui SPN, para belia bakal dilatih bagi meningkatkan kebolehpasaran, memperoleh peluang untuk diserap terus dalam pekerjaan dan memperoleh pendapatan. Pada tahun lepas, seramai **14,990 warga belia** telah berjaya mendapat peluang pekerjaan melalui SPN. Pada tahun ini **setakat 31 Julai 2022**, seramai **5,960 belia** baharu telah pun berjaya ditempatkan dengan menggunakan Insentif Penggajian JaminKerja PERKESO khusus buat golongan perantis. Untuk maklumat lanjut, sila layari <http://perantisan.kbs.gov.my/kriteria.php>

## MYDIGITALWORKFORCE IN TECH (MYWiT)

Sejajar dengan program celik digital dan peningkatan kemahiran, Kerajaan dengan kerjasama Malaysia Digital Economy Corporation (MDEC) telah memperkenalkan inisiatif MyDigitalWorkforce in Tech (MYWiT) untuk menambahbaik kemahiran dan keupayaan pekerja Malaysia dengan menggalakkan syarikat untuk mengambil pekerja Malaysia bagi pekerjaan teknologi dan perkhidmatan digital melalui insentif gaji dan subsidi kursus latihan. Insentif yang disediakan adalah subsidi sebanyak 40% daripada gaji bulanan selama 6 bulan, terhad kepada gaji minimum sebanyak RM2,000 dengan insentif maksimum sebanyak RM2,600 sebulan manakala subsidi kursus latihan yang ditawarkan adalah sehingga RM8,000 seorang. **Setakat 31 Julai 2022**, program MYWiT ini telah menerima **4,209 permohonan** dan daripada jumlah tersebut, seramai **1,195 peserta** telah pun berjaya ditempatkan dalam pekerjaan teknologi dan perkhidmatan digital. Untuk maklumat lanjut, sila layari pautan <https://mdec.my/ms/mywit/>



\*Jumlah kumulatif

## **PROGRAM USAHAWAN LEPASAN INSTITUSI PENDIDIKAN MARA/ BELIA**

Dalam menyokong usaha kerajaan dalam melahirkan lebih banyak usahawan kecil dinamik dari generasi muda, Majlis Amanah Rakyat (MARA) menyediakan kemudahan pembiayaan dengan kadar keuntungan sebanyak 0% kepada perniagaan mikro bagi sektor seperti peruncitan dan perkhidmatan keculi sektor pertanian dan penternakan. Kemudahan ini disediakan khusus bagi golongan belia yang telah menjalankan perniagaan tidak kurang dari tiga (3) bulan dan telah mengikuti latihan industri atau program inkubator di Institusi Pendidikan MARA (IPMa) manakala had pembiayaan yang disediakan adalah sebanyak RM10,000 dengan tempoh pembiayaan sehingga 3 tahun. **Setakat 15 Julai 2022**, sebanyak **RM3.909 juta** permohonan telah diluluskan bagi **448 usahawan baharu**. Untuk maklumat lanjut, sila layari [https://www.mara.gov.my/bm/menu\\_keusahawanan/kemudahan-sokongan/pembiayaan-perniagaan/putra/#tab-id-1](https://www.mara.gov.my/bm/menu_keusahawanan/kemudahan-sokongan/pembiayaan-perniagaan/putra/#tab-id-1)

## **PROGRAM PEMBANGUNAN USAHAWAN TEKNIKAL (PUTEK)**

Bagi mewujudkan usahawan baharu dalam bidang teknikal yang berasaskan kepada kemahiran yang dimiliki, MARA juga menyediakan kemudahan pembiayaan dengan **kadar keuntungan sebanyak 0%** bagi usahawan yang mempunyai Ijazah/ Diploma atau Sijil Kemahiran Teknikal daripada Institusi Pendidikan MARA yang telah menjalankan perniagaan sepenuh masa tidak kurang dari enam (6) bulan dan tidak melebihi lima (5) tahun. Skop pembiayaan yang disediakan sehingga RM500,000 adalah untuk pembelian mesin dan peralatan manakala modal pusingan yang disediakan bagi usahawan muda adalah 60% pembiayaan dengan 40% geran (sekiranya bayaran adalah baik). **Setakat 15 Julai 2022**, sebanyak **RM2.768 juta** telah disalurkan kepada **36 usahawan teknikal MARA**. Untuk maklumat lanjut, sila layari [https://www.mara.gov.my/bm/menu\\_keusahawanan/kemudahan-sokongan/pembiayaan-perniagaan/putek/#tab-id-7](https://www.mara.gov.my/bm/menu_keusahawanan/kemudahan-sokongan/pembiayaan-perniagaan/putek/#tab-id-7)

## **SKIM PEMBIAYAAN PERNIAGAAN KHAS WANITA (DanaNITA)**

Kerajaan telah memperuntukkan dana pembiayaan sebanyak RM230 juta antaranya melalui program Skim Pembiayaan Perniagaan Khas Wanita (DanaNITA) di bawah Majlis Amanah Rakyat (MARA) dan TEKUNITA menerusi Tekun Nasional bagi membantu usahawan Wanita yang terkesan akibat COVID-19 selain meningkatkan kapasiti perniagaan mereka. Bagi MARA, DanaNITA menyediakan pembiayaan bagi modal pusingan mahupun pembelian mesin dan peralatan sehingga RM150,000.00 dengan kadar sebanyak 3.5%. **Setakat 15 Julai 2022**, sebanyak **RM10 juta** telah pun diluluskan bagi membantu **265 usahawan wanita**. Untuk maklumat lanjut, sila layari


[https://www.mara.gov.my/bm/menu\\_keusahawanan/kemudahan-sokongan/pembiayaan-perniagaan/dananita/](https://www.mara.gov.my/bm/menu_keusahawanan/kemudahan-sokongan/pembiayaan-perniagaan/dananita/)

## PROGRAM PEMBANGUNAN USAHAWAN PROFESIONAL (ProSPEC)

Program Pembangunan Usahawan Profesional (ProSPEC) yang diperkenalkan oleh MARA kini memberi peluang kepada golongan profesional seperti doktor untuk menceburi bidang keusahawanan dan memahami selok-belok perniagaan berdasarkan kepakaran dimiliki mereka. Skim pembiayaan ini menyediakan pembiayaan kepada golongan profesional yang diiktiraf dan berdaftar sebagai ahli badan profesional yang berkenaan dengan had pembiayaan sehingga RM500,000 bagi modal pusingan, pembelian mesin, peralatan mahupun ubah suai premis perniagaan. **Setakat 15 Julai 2022**, sebanyak **RM3.25 juta** telah diluluskan bagi **11 ahli profesional** untuk menceburi bidang keusahawanan. Pemohon haruslah mempunyai pengalaman bekerja dalam bidang profesional yang berkaitan mengikut tempoh dan kriteria tertentu yang ditetapkan oleh MARA. Untuk maklumat lanjut, sila layari [https://www.mara.gov.my/bm/menu\\_keusahawanan/kemudahan-sokongan/pembiayaan-perniagaan/prospec/](https://www.mara.gov.my/bm/menu_keusahawanan/kemudahan-sokongan/pembiayaan-perniagaan/prospec/)

## SKIM JAMINAN PRIHATIN DANAJAMIN (DPGS)

Skim Jaminan Prihatin DanaJamin (DPGS) yang diperkenalkan oleh Kerajaan di bawah Pakej Rangsangan Ekonomi Prihatin (PRIHATIN) menyediakan kemudahan skim jaminan berjumlah RM50 bilion dengan jaminan sehingga 80% daripada jumlah pinjaman bagi tujuan membiayai modal kerja. Skim ini disasarkan kepada perniagaan yang berdaya maju dalam semua sektor yang menghadapi kesukaran akibat penularan wabak COVID-19. Di bawah Belanjawan 2021, program ini turut dilanjutkan di mana syarat-syaratnya turut ditambah baik. **Setakat 29 Julai 2022**, sebanyak 92 syarikat telah memohon untuk DPGS di mana jumlah jaminan yang telah diluluskan adalah sebanyak **RM2.095 bilion** bagi **62 buah syarikat**. Untuk maklumat lanjut, sila layari <http://belanjawan2021.treasury.gov.my/manfaat/index.php/bm/dpgs>



\*Jumlah kumulatif

- i) Malayan Banking Berhad;
- ii) CIMB Bank Berhad;
- iii) OCBC Bank (Malaysia) Berhad;
- iv) Alliance Bank Malaysia Berhad;
- v) AmBank (M) Berhad;
- vi) Hong Leong Bank Berhad;
- vii) United Overseas Bank (Malaysia) Bhd;
- viii) Affin Bank Bhd/ Affin Hwang Investment Bank Berhad;
- ix) RHB Bank Berhad;
- x) Bangkok Bank Berhad; dan
- xi) MIDF Amanah Investment Bank Bhd.

Kerajaan melalui Bank Negara Malaysia (BNM) juga telah menyediakan kemudahan pembiayaan tambahan atau yang ditambah baik bagi memberikan bantuan dan menyokong pemulihan PKS sebanyak RM4.5 bilion. Penambahan ini meningkatkan jumlah dana yang tersedia pada pertengahan bulan September 2021 kepada RM11.2 bilion.

## KEMUDAHAN BANTUAN DAN PEMULIHAN BERSASAR (TRRF)

Kemudahan pinjaman bernilai RM6 bilion ini ditambah sebanyak RM2 bilion kepada RM8 bilion bagi membantu PKS yang terjejas dalam sektor perkhidmatan. Kini di bawah TRRF yang dipertingkatkan, PKS boleh menggunakan hingga 30% daripada pembiayaan yang diluluskan untuk membayar balik pembiayaan perniagaan sedia ada (iaitu pembiayaan semula). Saiz pembiayaan yang ditawarkan adalah sehingga RM500,000 bagi setiap PKS manakala RM75,000 bagi perusahaan mikro dengan kadar faedah sehingga 3.5% setahun termasuk fi jaminan. Tempoh bayaran balik pembiayaan ini adalah sehingga 7 tahun beserta moratorium sekurang-kurangnya selama 6 bulan. **Setakat 28 Jun 2022**, terdapat **36,034 jumlah permohonan** di mana **RM6.002 bilion** telah berjaya disalurkan kepada **25,470 PKS**.

Kemudahan yang ditawarkan pada kadar sehingga 3.5% setahun ini tersedia melalui institusi kewangan peserta, dengan perlindungan jaminan oleh Credit Guarantee Corporation (CGC) atau Syarikat Jaminan Pembiayaan Perniagaan (SJPP). Kemudahan ini tersedia hingga 30 Jun 2022 atau setelah peruntukan digunakan sepenuhnya.

## KEMUDAHAN PERTANIAN PEMAKANAN (AF)

Seperti yang diumumkan dalam pembentangan Bajet 2022, Kerajaan akan terus memacu pemodenan sektor pertanian dalam usaha untuk meningkatkan jaminan dan keselamatan makanan serta menjana pendapatan lebih tinggi dan menarik lebih ramai generasi muda agropreneur. Sehubungan dengan itu, Kemudahan Pertanian Pemakanan (AF) yang disediakan oleh BNM turut ditambah sebanyak RM500 juta menjadikan jumlah peruntukan keseluruhan sebanyak RM2 bilion bagi menyediakan akses pembiayaan kepada PKS untuk meningkatkan pengeluaran agromakanan negara dan untuk eksport. Kemudahan yang disediakan bagi perbelanjaan modal, pembangunan projek agromakanan dan modal kerja dengan had pembiayaan sebanyak RM5 juta ini ditawarkan pada kadar sehingga 3.75% setahun bersama tempoh pembiayaan sehingga 8 tahun. **Setakat 28 Jun 2022**, terdapat **3,020 permohonan** di mana **2,268 permohonan** telah berjaya diluluskan bernilai **RM1.784 bilion**. Untuk maklumat lanjut, sila layari <https://www.bnm.gov.my/covid19>

## SKIM PEMBANGUNAN USAHAWAN MASYARAKAT INDIA (SPUMI)

Skim Pembangunan Usahawan Masyarakat India (SPUMI) adalah satu inisiatif strategik Kerajaan di bawah TEKUN untuk membantu masyarakat India mempertingkatkan ekonomi menerusi penglibatan dalam bidang perniagaan dan keusahawanan. Bagi masyarakat India yang ingin menceburkan diri dalam bidang perniagaan dan keusahawanan serta mereka yang ingin memajukan lagi perniagaan sedia ada, nilai pembiayaan yang disalurkan adalah dari RM1,000 sehingga RM100,000 bagi setiap usahawan mengikut kelayakan. Tempoh bayaran balik pembiayaan adalah sehingga 120 bulan (10 tahun) pada kadar 4% setahun. Program ini telah diberi peruntukan sebanyak RM20 juta, di mana RM5 juta adalah daripada Belanjawan 2021 manakala penambahan sebanyak RM15 juta adalah daripada Pakej PERMAI dan kini, diteruskan bagi tahun baharu 2022. Bagi tahun ini sahaja **Setakat 15 Julai 2022**, **RM21.72 juta** telah berjaya disalurkan kepada **919 PKS Mikro**. Untuk maklumat lanjut, sila layari <https://www.tekun.gov.my/ms/usahawan-tekun/skim-pembangunan-usahawan-masyarakat-india-spumi-2/>


# PEMBIAYAAN SEKTOR PELANCONGAN PENJANA (PENJANA *TOURISM FINANCING*)

Kerajaan memperuntukkan sebanyak RM600 juta bagi PKS dan PKS Mikro yang masih terkesan dengan penularan COVID-19. **Setakat 28 Jun 2022**, terdapat **780 permohonan** bagi pembiayaan ini, dan daripada jumlah ini sebanyak **409 permohonan** telah diluluskan dengan jumlah pembiayaan sebanyak **RM84 juta**. Untuk maklumat lanjut, sila layari [https://www.bnm.gov.my/documents/20124/2294076/FAQ%20PENJANA%20Tourism%20Financing\\_BM.pdf](https://www.bnm.gov.my/documents/20124/2294076/FAQ%20PENJANA%20Tourism%20Financing_BM.pdf)

## Maklumat Tambahan Daripada BNM:

**RM400 juta** daripada dana asal RM1 bilion diperuntukkan semula bagi:

- Penubuhan Kemudahan Bantuan Bencana (DRF) untuk mengurangkan beban kewangan dan memulihkan operasi perniagaan PKS yang terjejas akibat banjir; dan
- Kemudahan Automasi Digital PKS (ADF) untuk memberi insentif kepada PKS untuk mengautomasikan proses dan mendigitalkan operasi untuk meningkatkan produktiviti dan kecekapan.



\*Jumlah kumulatif

# INISIATIF - INISATIF LAIN

## PAKEJ PERJALANAN MY50

Kerajaan melalui Prasarana Malaysia Berhad (PRASARANA) telah memperuntukkan sebanyak RM115 juta sebagai pembayaran subsidi untuk menampung kos ditanggung PRASARANA dalam menyediakan inisiatif pas perjalanan tanpa had yang mengurangkan tambang biasa RM200 kepada RM50 sebulan. Pas perjalanan tanpa had yang terbuka kepada semua warganegara Malaysia ini boleh digunakan untuk perkhidmatan rel dan bas kendalian PRASARANA di Lembah Klang dan di Pulau Pinang. Pembelian My50 ini boleh dibuat di semua Pejabat Khidmat Pelanggan Rapid KL yang terletak di semua stesen LRT, MRT, Monorel, BRT dan Hab Bas Rapid KL serta Kiosk Rapid Penang yang tertentu. Untuk maklumat lanjut berhubung pas perjalanan tanpa had ini, sila layari


<https://myrapid.com.my/ms/resources/faqs/>

## PROGRAM SUSTAINABILITY ACHIEVED VIA ENERGY EFFICIENCY (SAVE 3.0)

SAVE 3.0 merupakan sebuah program di bawah Sustainable Energy Development Authority (SEDA) yang menyediakan rebat sehingga RM400 bagi pembelian mana-mana peralatan rumah berlabel cekap tenaga 4 atau 5 bintang oleh Suruhanjaya Tenaga (ST) pada tahun 2022. Objektif utama program ini adalah untuk meningkatkan kesedaran orang ramai tentang faedah dan amalan penggunaan kelengkapan cekap tenaga mahupun mengurangkan pelepasan gas rumah hijau akibat penjimatan penggunaan tenaga. Untuk maklumat lanjut, sila layari pautan agensi SEDA di <http://www.seda.gov.my/saveprogram/>

## SOKONGAN BAGI SEKTOR SENI, BUDAYA DAN HIBURAN

Bagi Inisiatif Pemulihan CENDANA, Kerajaan telah memperuntukkan sebanyak RM10 juta yang dijangka akan memanfaatkan 3,000 penerima daripada kalangan seniman dan organisasi di dalam sektor seni dan budaya Malaysia. Penerima akan menerima saiz geran yang berbeza bergantung kepada permohonan dan program yang disasarkan. **Setakat 22 Julai 2022**, terdapat **1,582 permohonan** jumlah permohonan bagi inisiatif ini di mana sebanyak **RM7.73 juta** telah disalurkan kepada **590 pemohon**. Para penggiat industri kreatif adalah disaran untuk menggunakan peluang kemudahan yang disediakan dan boleh memohon bantuan dari kedua-dua agensi berkaitan dengan melayari [www.mycreative.com.my/penjana](http://www.mycreative.com.my/penjana) dan [www.cendana.com.my](http://www.cendana.com.my) untuk maklumat lanjut.



\*Jumlah kumulatif